



partii naleraq

25. februar 2016

UPA2016/130

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Apeqquteqaat aallaavigalugu oqallisissatut siunnersuut, qanoq aaqqissuussinikkut nunatsinni inuiaqatigiinni sapinngisamik pitsaanerpaamik meeqqat suli atualinngitsut illoqarfinni nunaqarfinnilu paaqqutarineqarnissamik pisariaqartitsisut ulluunerani paaqqinnittarfinni angerlarsimaffinniluunniit paarineqarnissamik neqeroorfigineqarsinnaanersut pillugu.

(Inatsisartunut ilaasortaq Hans Enoksen, Partii Naleraq)

Tunnqavilersuut:

Tamatta anguniarparput meerartatta meeraanermi pitsaasunik atugassaqaqtinnissaat, minnerunngitsumillu toqqissisimanartumik ineriartornissaat.

Nunatsinni sumiiffinni amerlasuuni meerartatsinnut paaqqinniffissanik amigaateqarpugut, minnerunngitsumik isorliunerusuni - illoqarfinni nunaqarfinnilu.

Naalackersuinikkut aalajangiunneqareerpoq meerartagut suli atualinngitsut pisariaqartumik ulluunerani paaqqinniffissaqaqtinneqarnissaat isumannaarneqassasoq, inatsisitigut meeqqap qitiutinneqarnissaanik siunertaqarnerput eqqortikkumallugu.

Kisiannili periarfissaq taanna sumiiffinni amerlasuuni atortinneqanngilaq, aammalu angajoqqaat suliffeqarusukkaluartut angerlarsimaannartariaqartarput toqqissisimanartunik paaqqinniffissaqaqtitsinnginneq pissutigalugu.

Pissutsillu taamaattut atuupput naak Naalackersuisut Meeqqanut suli atualinngitsunut perorsaaniikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq tunnqavigalugu assersuutigalugu pisussaatinneqaraluartut "Meeqqanut ulluunerani neqeroorutit nutaamik ilusillit inerisarnissaat, taakkununga ilaallutik nunaqarfinni pissutsinut naleqqussagaasumik allaanerumik meeqqanut ulluunerani neqerooruteqartarneq" ingerlatsinissamut. (§4, imm. 2, nr. 2).

Assersuut ataaseq tassaavoq nunatta avannaani aalisarnikkut ukiuni makkunani annertoorujussuarmik ineriartorfiusumi meeqperivinnik amigaateqartoqarnera, naak

naalackersuinikkut aalajangertoqareeraluartoq meeqqat tamarmik naammaginartumik paaqqinniffissaqartinneqassasut.

Imaalissanngilarmi, kommunit aningaasarsiornikkut ingerlalluartut kisimik ulluunerani paaqqinnittarfinni angerlarsimaffinniluunniit paaqqinnittarfinni inissanik neqerooruteqarsinnaassasut.

Taamaattumik oqallinneq aallartittariaqarparput, qanoq iliornikkut meerartagut perorsaanikkut pitsaanerpaamik aaqqissuussaasumik ineriartornissaminnut periarfissaqartilissanerigut eqqarsaatigalugu, meeraq nunaqarfimmiuuppat imaluunniit illoqarfimmiuuppaat apeqqutaatinnagu. Naalackersuinikkummi aalajangernigut tamatigut malitseqartinneqartassapput.

Inatsisartut oqaaseqaatissaattut siunnersuut.

Nunatsinni meeqqat atualinngitsut toqqissinartumik paaqqinnittarfinni tamani nunaqarfinni illoqarfinnilu pitsaasuumik atugassaqarfiusumik neqeroorfigineqartarnissaat anguniarlugu Inatsisartut naalackersuisut kaammattorpaat aqqutissiuuteqqullugu meeqqat sapinngisamik assigiimmik paaqqutarineqartarnissaat anguniarlugu.